

唐先生文集

三

唐先生文集卷第九

雜文

惠州謝復官表

臣某言今月八日惠州送到告身一道伏蒙聖恩復
臣承議郎臣已於當日祇受訖始以為夢既而果然
俯伏拜恩喑鳴流涕中謝伏念臣生逢堯舜跡雖涉
於仕塗性嗜老莊口不談於世事自知無用非敢有
求適遭學校之興累冒師儒之選傳經天姓已負愧
於面顏奉使日圍固難逃於指目果緣僥倖卒至顛
隳命察如絲罪幾擢髮奮空拳於嶺表不保朝昏託
衆口於江陽莫知存沒夷居萬里煙瘴六年賴稟賦

之冥頑得保全於視息雖簡編度日益堅國爾之心
而兄弟灌園已作家焉之計豈期仕伍復齒朝紳此
蓋伏遇皇帝陛下如日正中惟天為大曰生曰殺得
馭臣之方作福作威有惟辟之道建元良於震邸均
介福於坤輿舊惡宿愆悉皆蕩滌前倖故將咸被甄
收而臣憂患摧傷志意衰落雖受再生之賜終無一
割之功唯作頌聲以歌聖治臣無任

上張觀文手書四幅

某頓首再拜某遠遠教誨忽忽累月暑中未審鈞候
動止何似某六月初五日到瀘南僦居安夷門外無
屋以歸無田園以耕以植雖不及陶淵明歸柴桑時

然老弱具在無所損失勝杜子美歸鄜州矣以此自遣不敢上煩重念正遠師門下情不勝瞻依之至謹奉啓起居不備

某惶恐再拜某既至瀘南瀘南邊人知某爲門下客也爭持酒肉相勞且問相公起居狀某具言相公年七十餘精力如四五十人鬚髮烏光無一莖白者今雖超然獨與道遊而願力深重不忘利侘之心父老聞此悉以手加額至於感槩流涕寄謝相公爲宗社百姓厚自調衛

某惶恐再拜某昨去鄉時兒女大率皆幼稚今歸二子皆通經諸女亦復長大見父遠來相對懽然貧中亦自有味但念古人從師不遠千里父老至數十載須業成乃去某自學道未有證處而遠去師席不得朝夕請業請益以此宵中忽忽不樂今夕了却木蘭一事便當復走門下卒業矣叅侍非遠此不縷縷

某惶恐再拜某昨舟中無侘所爲顧惟有讀書又無侘書可讀借得史記數冊反復讀之見公仲一事適有得於心以爲茲事粗若有益因謾錄去趙烈侯欲賜歌者田二萬畝國相公仲患之未有以制也畚吳君曰君實好善而未有所持亦嘗進人於君乎公仲曰未也畚吳君曰牛畜荀欣徐越皆可公仲乃進三人及朝牛畜侍烈侯以仁義烈侯適然明日荀欣侍

烈侯以選任又明日徐越侍烈侯以節儉烈侯使人謂公仲曰歌者之田可止某愛其不犯脚手而功效捷疾如此謾以爲獻伏惟聰明幸察

荅合守程元老手書

某頓首李元應到瀘出示所賜書伏承暑中動止萬福眷聚無佗良慰某颺田野間亦復自適不足垂念但瀘南前日小旱二麥已不償種今又甚雨復憂麻豆矣仕進如此退耕又如此豈但人力耶婦雅病肺比老益甚五月中垂死復活今幸無事然以此都不成家計間居既無過從而衰晚亦不耐煩逃虛既久已自成趣聞人足音乃更不喜九月間送女到丹稜

因放脚一到我眉瓦屋霧中青城諸山至春末可歸向示漆器今納二十引去字號聞此寬相憶爲邦復好音人生五馬貴莫受二毛侵伏幸檢收合陽過客絕少公帑有餘日生事想見不多多少亦不勞餘刃政當薰衣理鬢努力行樂自厚不宣某頓首再拜

上張觀文所業序

某惶恐頓首某欲焚棄筆研之日久矣而時時技癢終不能自制雖制亦不能久今日暫止明日復作如間日瘡不斷根本昨既至惠州便用趙廣漢法爲鉅甯每一篇成輒投之鉅中不可復取比其還也始破鉅出之得歌詩雜文三百餘篇念持此無所歸必歸

之門下而篇目猥多無氣力裝寫但寫古律詩百篇
雜文二十篇以獻辭既不工雖工亦安所施亦各致
其所愛習而已隱几一閱即投之火中幸甚干冒鈞
重悚愧無量門生具位序

書姑蘇張自強教授所編寅申錄

吾平生取名以此其擿謗亦以此頃謫惠州過扶胥
此書失手墜海中舟人皆失色予獨喜幸名與謗都
息矣不爲今日復稍見於士大夫間讀之惘然似佗
人文思之茫然如隔世事而姑蘇張自強復持此六
卷示予是名與謗特未已也然自強嗜吾文必知我
者也少愛我者也想能爲我深藏而慎出之庶幾可

以免夫宣和己亥十二月一日眉山唐子西書

祠三使者說

瀕江之神有號三使者云世莫知其爲何神其原出
於雅安漢嘉盛於戎瀘被於巴峽之間民不敢斥以
三指相示輒恐懼變色其畏之如此然祭不過卮酒
噐食其所持蓋狹矣而靈應捷疾有不可揜者吾聞
昔沅湘間祠東皇太一湘君湘夫人少司命雲中君
山鬼等神爲歌舞以樂之而詞不雅馴屈平爲作九
歌聲施後世今神不可視其佗獨不得比山鬼乎而
客非其人無文辭以發之嗟哉

香林疏

昔者香林親得雲門三昧傳之北塔挺生雪竇一枝
子子孫孫在在颯颯正眼周於法界真身葬於寺中
隻履具存莫記星霜之變精廬浸弊率皆風雨之餘
文演道人愍此就荒勇於必葺欲使當來末學識前
人魚鼓之音豈惟過去祖師存後世箕裘之業冀集
無邊之福上資有求之年當賴十方共成此段

書三謝詩後

江左諸謝詩文見文選者六人希逸無詩宣遠叔源
有詩不工今取靈運惠連元暉詩合六十四篇爲三
謝詩是三人者詩至元暉語益工然蕭散自得之趣
亦復少減漸有唐風矣於此可以觀世變也唐子西書

唐先三集卷九

三

亦在望

生日設醮文

切以有生之衆所欲不同貧者願乎多財富者期於
不死賤者志求於顯達貴者思保其久長人旣無馱
神亦難應呂雖無似志實不然雖亦有禱於三清惟
乞無災之二字但以私門多故歷歲不寧齒髮變於
艱危精神耗於憂慮爰因生日虔叩上蒼庶幾天高
而聽卑所謂物窮則反本使身心安穩尚復何求眠
食康寧便爲至足其佗外物一付自然旣所請之甚
微宜必從於所禱下情懇仰伏望照臨且無任瞻天
望聖激切屏營之至

生日青詞

上界高高非人間世衆生擾擾如海中沙以如此之至微求自通於至遠去何得達唯有至誠臣稟生雖愚奉道有素謹因生日特啓醮筵雖濁世溷殺豈降臨之敢望而至心齊潔庶慈憫以來歆止於禳災非敢求福且無任

焚黃祭文

嗣子承議郎某敢昭告于皇考承事先生皇妣孺人五十二娘之靈通籍于朝逮今十年遇大禮者數矣而負罪流落久隔贈典乃者蒙恩復齒朝著始贈皇考承事皇妣孺人蓋自孤苦垂三十年然後能取一命以追榮父母而少伸人子之心其不孝不敏之罪

唐先生集卷九

六

程伊家集

無所逃矣雖善文其過者莫能爲之辭也區區之心考妣其鑒之尚饗

祭家氏文

敢昭告于前母家氏孺人之靈國家恩德厚矣士人列于朝者非獨榮其父母又并其前母而封之上以極其父子之恩傍以廣其兄弟之義皆聖世之彌文前代之闕典也然非平日爲善之報亦何能致之哉尚饗

代內醮文

頃歲以來多難相繼今茲遇疾猶異常時雖生死之有期冀神明之可禱雙親皓首殊未報於生成稚子

弱齡尚未離於乳哺仰祈洪造少假餘年得畢此心
外無所望

唐先生文集卷第九

唐先生文集卷第十

墓誌銘 行狀附

淮陰賢婦墓誌銘

賢婦亡姓名淮陰下鄉人蓋老矣貧無自資以泔泔
統為業屬秦末亂離民不親耒耜者累年矣天下饑
饉婦方坐沙上以水擊絮望見城下有客長大帶刀
劍彷徨水濱婦私獨怪之遂就與語則壯士也而有
饑色婦哀其困館而食至數十日欣然無倦意客感
槩曰異日必有重報母是時天下兵動關東豪傑並
起婦視客非庸人終能有所就遂佯怒以語激之曰
丈夫不能自食吾哀王孫而進之食寧望報乎會楚

唐先生文集卷第十

墓誌銘

兵過淮客仗劍楚君戲下楚不能用客亡命歸漢得
大將從漢王定三秦與楚人戰京索間有功二年八
月始以涉西河破魏豹九月破代十二月破趙明年
十二月遂破齊蓋自北出至是歲餘而卷天下之半
明年二月漢遣使立客齊王明年引兵會漢垓下破
楚天下大定漢客徙王楚都下邳蓋自寄食五年裂
地數千里南面稱孤於是下令求婦報千金天下不
多客之賢而多婦之長者有知識客韓信也婦卒葬

泗口南岸銘曰

項王喑鳴亞父謀謨信來不呼信去不拘坐視信逋
反噬其軀匹婦區區而知信乎吁

徐夫人墓誌銘

夫人徐氏其先京兆人唐末避地遂家於眉州丹稜
自考以前蜀人憚遠仕進者尚少故曾祖某祖某考
某三世無食祿者夫人幼穎悟年十二喪所恃已能
順適繼母無毫髮不滿意考爲人嚴重左右莫敢仰
視獨夫人侍側輒怡然爲之解顏家人因以白事年
二十歸劉氏舅姑得之喜即委以家政方是時劉氏
累世好施生事蕭然夫人既專內事雖細務必親之
規畫處置悉有法度可守未幾劉氏復振舅姑既沒
父母春秋高嗣子早卒夫人奉養喪祭能盡其道姪
有少孤從其母嫁者夫人取置諸子間摩頂撫育無
有輕重厚薄至爲婚媾能自立乃已課二子讀書甚
力旣而二子以次取進士第元符三年長子汲爲合
州司理叅軍奉夫人以行是歲六月二十四日卒年
五十二少子湜登科時夫人沒五年矣惜乎不及見
也汲今以宣德郎知鄆陵縣湜以通仕郎行蜀州晉
原尉女適楊某孫若干尚幼大觀四年十一月日葬
于某鄉之原其將葬也鄆陵以行狀請銘於余余交
鄆陵二十餘年朋舊之情旣不可違而夫人之善又
不可廢其事父母舅姑也如此其治家立門戶又如
此收卹孤露而成之又如此教其子問學連年取科
名流聲號於時又如此是烏得不銘也哉銘曰

大兒來歸里門下車小兒來歸擁版以趨官學成矣
繫而母且而母不留可悲也夫

史子深墓誌銘

君諱通字子深姓史氏世為眉之青神人少與其兄
珣皆以文學知名於鄉年十七以貢舉不中遂退居
於楠溪之上杜門著書絕人事者數年得易書若干
卷乾坤別解三卷禮記義一卷詳說四卷律呂氣數
十二卷書義八卷詩義若干卷論語孟子解各若干
卷子史論若干卷其書既出學者翕然稱之或曰是
知古矣其於時事未必知也已而君至京師進世要
機務十卷芻蕘策二十卷其言當世便利殆非草茅

布衣之士所能言至於論兵則雖謀且宿將練習邊
事者不能易也或曰是能言矣其於行事未必能也
已而君起家尉通川遂能使人畏已遇事輒斷號為
強明至作磐石令則又專務寬厚和易撫字勸課如
古循吏所為蓋二邑之俗不同故君所以應之者亦
異名聲大著諸公文章薦之而君已卒縣人哭泣悲
思至今父老猶喜道當時事吾嘗謂學者所貴乎知
經者以其能知道所貴乎知道者以其能應物白首
窮經而不能應物又何以經為哉悲夫君學足以知
經道足以應世而晚得一命年止五十七不得以充
其志官止於一縣令不得以盡其才故其應物者止

於如此此吾黨之士所以嗟惋嘆惜爲之請銘以葬而吾亦不得而辭也史氏系出魯國後徙杜陵唐末入蜀遂家於眉曾祖祖考皆不仕君中元祐三年進士第歷達州通川尉資州磐石今年月日卒于官舍先娶侯氏再娶程氏男二人曰紀曰彥時女五人長適某次適某孫男二人女一人皆幼以大觀三年三月日葬於某山之原銘曰

史夫人墓誌銘

夾江縣孫公諱某之夫人姓史氏眉州青神人故任

月九生集卷十

四

程伯樞

嘉州軍事推官諱著明之曾孫故贈大理寺丞諱昭吉之孫余外祖諱及之季女也余少時嘗至其家矣公長不逾中人語音如鍾喜談前言徃行疊疊可聽蓋嘗約家事勿復相關悉聽夫人夫人明敏解事通人情其規模措置有絕人者孫氏歲入不貲用度亦廣矣而夫人治之皆有法內外親戚姻婭之間冠昏賓祭慶弔之事殆無虛日而夫人處之皆有體公三娶男女九人而夫人待之皆如已出余嘗陰察之未嘗見其有毫髮輕重厚薄也方是時長子昌齡年四十餘喜從余遊幼子昌裔年十五六晝出從師受書夜歸夫人自教之至夜分乃已女有適羅某者有適

王某者有適魏某而蚤卒者有適張某者有適宋某者有未笄者有絕幼者是歲紹聖元年甲戌也今二十五年矣公先卒既葬夫人又卒今葬矣昌齡亦卒孫七人曾孫三人矣昌裔今名衍孫七人矣嚮之未笄者今嫁承議郎鮮于某有封號矣嚮之絕幼者今爲某人妻有子矣人欲無老得乎夫人貌類先妣孺人卒然遇之幾不能辨先妣既沒余以畫者失真恐無以示後因取夫人傳神臨之見者無不隕涕其兄弟之間蓋如此然則銘其墓者非余而誰夫人享年七十一其卒也以政和四年十一月五日其葬也以八年十一月一日銘曰

豐泉之原封若斧袷而合之蓋從魯其甥銘之固其所

唐先生行狀

代杜蓬州

唐先生諱某字彥通眉州丹稜縣人曾祖諱某祖諱某考諱某俱不仕皇考之捐館也先生始六歲是時鄉人未知官學先生孤露自奮卒爲名儒其學博而不雜其制行和而不流輕財好施出於自然蓋自堯舜三代以來理亂廢興典章人物莫不考論旁至諸子百家天文地理方技醫卜之書莫不通貫其博至於如此然特深於經術著四經微旨行於世而專用春秋名家爲講義三十卷辨三傳七卷大抵以春秋爲無褒其於傳注取二三策而已此所以見其不雜

也性簡易不作崖檢與鄉人處由由然無貴賤皆得其
其懽心比其沒也遠近聞之俱出涕嘆息逮今二十年
思之不忘其和至於如此然議論剛正無所阿附
負其所蘊非其友不友亦以是見惡於不善者此所
以見其不流也平生用財不問其數嘗至濛陽其尉
丁憂貧不得去先生雅不識其人傾橐賙之空手而
歸其好施類皆如此而未嘗有德色此所以見其自
然也自嘉祐治平間先生已有盛名西南學者爭宗
師之授經者累數百人然應進士舉反不中益昌龍
圖閣直學士陸公誥薦之亦不報浮沉丘園無復仕
進意熙寧初罷詩賦以經義取人士論喜其必有所

一ノ二ノ三ノ四ノ五ノ六ノ七ノ八ノ九ノ十

合既而春秋不為經先生亦老矣始終不偶蜀人惜
之然余嘗考其行事以求其用心則平生所存良亦
可見族本以治產富饒而先生專業儒士方以聲律
進取而先生獨治經此其志豈為利祿計哉命雖不
偶於今而其書具存足以傳於後世無窮復何憾焉
元祐三年閏十二月二十五日終于家享年六十有
三前娶家氏再娶史氏男五人女四人適某皆士人
也孫男四人孫女二人皆幼卜以崇寧三年二月二
十八日葬縣之南二十里鼓面山之原以史氏祔予
頃出守咸安道過閬中而先生之子某適宰是邑傾
蓋如故遂定為志年友然則狀先生行義以告於士

大夫者非其職耶謹狀

史夫人行狀

夫人史氏眉州青神縣人嘉州軍事推官諱著明之曾孫大理寺丞諱昭吉之孫進士諱及之女魯國先生諱某之配也先生喜賓客重然諾視金錢如泥無分毫顧惜不論多寡費盡乃已竟坐此貧而夫人處之怡然自得其為善之樂也先生自言吾六歲而孤勤苦自立取名於時豈有兄弟教哉常持是說未嘗督責三子以學而夫人則不然躬課諸郎讀書至丙夜乃寢率以是為常平生無所好獨聞誦書聲輒欣然蓋性之所嗜如此夫人不逮事舅姑事先生如事

父治飲食以進必立侍湏徹饌乃去或者以為過元祐三年春先生遇疾幾殆夫人焚香禱祈願以身代死家人止之不聽俄而疾暴作擲香爐於地扶掖就枕已不知人後六日夫人病篤而先生疾稍間先生竟愈而夫人遂不起時二月二十日也初夫人之祈死也先生疾革不知夫人既卒諸子以事告先生哀甚為詩以哭之聞者莫不泣下夫人享年五十六某其子也某其婿也某其孫也孫女二人尚幼崇寧三年二月二十八日從先生葬于丹稜縣鼓面山之原先生道雖不行於民其行於家者蓋如此非先生何以當夫人之賢觀夫人足以知先生之道此其子庚

所以必欲狀其行以傳於人子所以不得而辭也嗚呼誠亦可書也哉謹狀

贊

先君真贊 并序

嘉祐熙寧間西南有隱君子焉幅巾布衣時時出遊人間士大夫好事者多從之游喜譚易詩春秋辭旨遠遠能得先儒所未到者遇人飢寒解衣衣之推食食之人有所求則鬻衣賣履與之無難色緩急輒陰救之問其姓名則嫚罵不以告逢人無貴賤皆抵掌談笑蜀人皆知其爲有道之士相與強名爲先生然竟莫測其果何人也元祐末遂不復見豈隱去不復出耶抑出而人不見也傳者以爲卒矣是殆不然先生游無何有之鄉獨與道遊者也道在與在道亡與亡使道而果亡則先生信死矣道未喪於天下則先生烏乎死紹聖初有姓唐名庚者畫先生之像而事之爲先生作真贊自稱爲先生之子云贊曰軒然其頎幅巾布衣清風蕭蕭在人目圍此豈先生者耶孰能援筆一揮摹其心中之精微也哉

又次齋銘

生而知之自誠而明學而知之自明而誠困而學之又其次者困而不學民斯爲下吾少也狂自以爲健出而接物然後知困今雖老矣幸其未衰陳書早齋

以學以思

家藏古硯銘

硯與筆墨蓋氣類也出處相近也任用寵遇相近也獨壽矣不相近也筆之壽以日計墨之壽以月計硯之壽以世計其故何也其為體也筆最銳墨次之硯鈍者也豈非鈍者壽而銳者夭乎其為用也筆最動墨次之硯靜者也豈非靜者壽而動者夭乎吾於是得養生焉以鈍為體以靜為用或曰壽夭數也非鈍銳動靜所制借令筆不銳不動吾知其不能為硯又遠也雖然寧為此勿為彼也銘曰不能銳因以鈍為體不能動因以靜為用唯其然是以能永年

有翠亭銘

山不遠人人自遠山見即為易有之為難隴上牧兒林間樵叟雖能得之而不可有貴戚買園寵侯賜宅雖或有之而不可得惟吾放浪與是有緣得而有之蒼翠滿前為亭北牖其高三仞目力所到閩山皆盡客來登亭勿嗔吾貪子如欲之為君分甘

謝雨文

農事方作雨不來稻畦麥隴飛塵埃神哀此民賜以雨脉溝支澮流膏乳穀肥酒香荅神休神終相之俾有秋

唐先生文集卷第十

唐先生文集卷第十一

古體

惜梅賦

閩中縣庭有梅株甚大正當庭中出入者患之有勸
子以伐去者爲作惜梅賦

縣庭有梅株焉吾不知植於何時蔭一畝其踈踈香
數里其披披侵小雪而更繁得朧月而益竒然生不
得其地俗物溷其幽姿前胥史之紛拏後囚繫之嚶
吟雖物性之自適揆人意而非宜旣不得薦嘉實於
商鼎効微勞於魏師又不得託孤根於竹間遂野性
於水涯悵驛使之未逢鷲羗笛之頻吹恐飄零之易
及雖清絕而安施客猶以爲妨賢也而諷子以伐之
嗟夫吾聞幽蘭之美瑞乃以當戶而見夷茲昔人之
所短顧仁者之所不爲吾寧迂數步之行而假以一
席之地對寒艷而把酒嗅清香而賦詩可也

平臺賦

平臺梁王劉武作也班史稱平臺唐杜甫稱吹臺世
以謝惠連嘗爲雪賦也則又謂之雪臺舊說在大梁
城東比如淳晉灼云在大梁城東二十里今在城東
南蓋漢距今且千歲城郭凡幾變則聞見之異宜哉
作平臺賦

子與客遊汴都之東南登梁王之平臺顧草木之搖

落懷古人以裴回客慨然歎曰吾聞祖龍失劍楚竊其柄漢鑿其孤矯枉過正齊楚趙魏燕韓之郊荆楊充豫青徐之境蟠城千里星散棊布原田溝澮不知其幾千萬頃瓜分幅裂以王一姓於是擅爵人而赦死罪戴黃屋而私蹕警鼓銅破山煮海絕流侈極奢窮然未有如梁之親倖者也并畢煌煌實沉之疆北界泰山西抵高陽帝子出閭有燁其光金錢布幣子女玉帛錦綉寶器車馳轂擊轆轤繹挽來于梁尔乃羽翼鄒枚腹心勝詭郊關之囿叁百餘里萬甃鱗鱗樓閣橫斜擬於未央之邃也峭築峨峨蔽景干霄擬於漸臺之峻也靜影潭潭日星泳涵擬於太液之

深也麋鹿咿咿禽珍獸竒擬於上林之多也旌旗轟轟旆前騎後乘擬於五柞之遊也鷲擊盧馳躡景追飛擬於長楊之獵也千金一壘斲瓊鏤瑰擬於武庫之藏也游譚之士濡毫緩頰曳長裾而從之遊擬於公車金馬之待詔也夫侈極則疑勢偏則離弱幹強枝安能以而不危也邪子曰噫子知其一而未觀其二也勝廣之亂毒於管蔡呂霍之變危於吳楚三馬之偏痛於燕爽王淵聖之禍深於齊趙子曷不較其輕重哉周室東遷晉鄭焉依朱虛叱咤祿產殲夷五葉之後宗國陵遲洗垢求瘼吹毛索疵剪刈肘股弃絕藩籬墮犬牙之形勢壞磐石之宏基故長沙舉袂而

不得逞中山感音而涕洟濟南之墟梓柱生枝以饑
廢食卒死于飢可不悲哉客憮然而問曰然子言得之

歸歎賦

歸歎先生歸歎先生坐講六籍立談百氏突姬孔之
堂奧剗軻雄之心髓游說天子間關千里射策萬言
撰闔亂理葩吐奇霞散綺拔犀渠擢象齒曾不能八
事為律片言寤旨偃倮一命摧折委靡窮騏驥於捕
鼠困干將於補履血鵬而肉鯨兮尚不能逞刀机之
殘濕兮又何足舐昔薛丞相置東閣以觀士朱游拂
衣而起奚扁舟之不泥豈洞庭之無水先生笑曰嗚
呼噫嘻子言小哉病者嗜於土炭餓者甘於糠粃醉

不元三年卷二

三

者安於遇虎怒者恬於染指萬法非實皆由心起狐
尾見於疑目牛鬪聞於病耳宿瘤何惡顰眉何美狐
裘何榮牛衣何耻吾謂戴安道破琴而不肯作未若
宋之遜秉笏而唱吟閻立本沮氣於畫師未若禰正
平遺形於鼓史抱關擊柝兮亦悠悠彈冠結綬兮亦
悠悠吾忘情於彼此者也

陌上桑曲

趙女羅敷採桑陌上趙王見而悅之置
酒邀焉羅敷拒之作陌上桑見古樂府

蕭疎陌上桑寂寞採桑女蠶老葉轉稀羅敷淚如雨
歛袂蹙雙蛾秦第一曲歌慙慙謝郎意其如義命何

白頭吟

秋風團扇情夜雨長門意高鳥既已逝前魚自當棄

賤妾白頭吟知君懷異心祇知茂陵女不憶臨邛琴

結客少年場

結客少年場男兒尚氣須激昂朝從魯朱家暮過秦
武陽飲酒邯鄲市膝上橫秋霜明年從軍入燉煌金
印紫綬輝路傍貧中知己慎勿忘

五雜俎

五雜俎水中魚去復還天上鳧不獲已轅下駒五雜
俎名利地去復還塵埃轡不獲已貧而仕

公無渡河

公無渡河公無渡河君不見吳兒秋悲小海唱湘女
夜怨招魂歌抱石沉清流弄酒奔素娥忠血醉蛟蜃
義肉飽鼃鼃暗中水弩貫七札魚龍百怪垂延辜吻
牙相磨公無渡河公無渡河平地猶恐生風波

明妃曲

生男禁多才長沙伴湘纍生女禁太美陰山嫁胡兒
長沙雖歸如不歸陰山亦復歸無期絳灌通侯延壽
死琵琶休怨漢天子

舞馬行 并序

明皇時教坊舞馬百疋謂之某家嬌其曲謂之傾盃
樂天寶之亂此馬流落人間魏博田承嗣得之初不
識也已而承嗣大燕軍中酒行樂作馬聞樂聲起舞
承嗣以為妖命殺焉予讀其說而悲之作舞馬行

天寶舞馬四百蹄，綵床襯步不點泥。梨園一曲傾盃
樂，驪首頓足音節齊。幾年流落人間世，挽鹽駕鼓不
敢嘶。忽然技癢不自禁，俗眼驚顧身顛隳。後生何嘗
識此舞，謂之不祥固其所。

風樹吟 并引

子路有言：樹欲靜而風不止，子欲養而親不待。予三
復而悲之，故作風樹吟以終其意。

樹欲靜兮風不止，子欲養兮親不待。歸飛反哺八九
子，我曾不如畢逋。尾樹欲靜兮風不休，子欲養兮親
不留。旦自梅兮暮至棘，當年飼我如鴟鳩。

戲題醉仙崖

誰家翠嶺高亭亭，白崖隱起仙人形。仙人昔嘗為酒
星，乘興痛飲乾北溟。五湖一吸聊解醒，江妃喪魄鼇
失靈。上帝震怒呵出庭，酖然影落秋山青。行人幾見
霜葉零，醉仙醉去不復醒。何須荷鍤隨劉伶，河沙劫
壤歸冥冥。

古生

卷地風來怒濤起，礮散沙汀雙翡翠。誰將仙匹鑲金
籠，孤飛吟叫煙波裏。古生開鑊放珍禽，春江日暖重
相尋。巧舌相和葦風軟，綺翼交飛菰浪深。壯哉古生
真，任俠氣義肝腸何激烈。功成不復更偷生，一劍揮
霜襟濺血。世間美事多參商，白馬青梅人斷腸。古生

埋沒在何處江山流水空茫茫

走筆贈仙姑

仙姑八十春秋高兩鬢黑無班毛鹿胎冠子青紗
袍神風清峻真仙曹人生瞥忽如消膏是非海裏翻
波濤五斗官米令人勞安能俛首爭錐刀願仙乞我
瓢裏一丸藥武陵溪上抖擻世俗腥與臊不然教我
蟬蛻羽化秘訣之一二海山深處摘取王母千歲不
熟之蟠桃

醉後怒筆

灰寒火冷燈微明虛簷瀉雨如傾瓶酒酣耳熱身體
輕撫膺大吼黃鍾聲怒目直視如流星拔劍擊柱傍
人驚丈夫寧可五鼎烹安得容此吞舟鯨

雲南老人行

雲南老人老無力藜杖支腰壠頭立道逢蜀客話平
生時復仰天長太息自言貫屬瀘水湄瀘水邊徼濱
獠夷夷人之性類蛇豕頻肆毒螫為瘡痍十五年前
多寇盜一境騷然不相保民禾收刈虜人家戎馬偷
啣汶江草近來風俗都變移卷却旌旗張酒旗牛羊
村落晚晴颯煙火樓臺日暮時兩眼昏花兩鬢雪喜
見升平好時節茆屋橫吹一笛風野店携歸半瓶月
問翁致此何因緣道是江陽太守賢鼓琴絃歌不生
事十年靜治安吾邊鄭國國僑去已久誰信人間準

前有異日刊為德政碑請問雲南隴頭叟

憶昔行

憶昔方東來亭傳荒荆棘風庭紅葉乾雨砌蒼苔濕
飢虎撥門開哀禽向人泣十載却西還亭傳已完葺
青鎖揖江山朱欄趁階級行旅糧不齎大路遺敢拾
蜀道無難易人心自寬急寄言守亭者勿使狐狸入

午起行

細藤簾展波文綠瓦枕竹床殊不俗白日寥寥午眠
熟起來更覺精神足萬緣寂靜數甌茶千偈消磨碁
一局此間真味有餘清未羨紛紛厭梁肉

張求

張求一老兵著帽如破斗賣卜益昌市性命寄盃酒
騎馬好事人金錢投甕牖一語不假借意自有臧否
鷄肋巧安拳未省怕嗔毆坐此益寒酸餓理將入口
未死且強項那暇顧炙手士節久凋喪舐痔甜不嘔
求豈知道者議論無所苟吾寧從之遊聊以激衰朽

擊劍歌

三尺光芒耀霜雪長安使氣為任俠閑對要離壯淚
垂醉叱荆軻怒眦裂天下承平猛士閑夜半無人自
彈鋏會須東海斬長鯨歸來倒瀝腥臊血

黎城酒

黎城酒貴如金汁解盡寒衣才一吸獄曹參軍到骨

窮簿書叨燥何由濕夜來細雨落簷花對客唯有嘗
春茶明朝踏月趁早衙免使路中逢麴車

題崔令曲海後

崔令飲酒五七斗崔令唱辭一千首時時浪飲輒高
歌利鎖名韁揔無有人稱崔令為顛狂我知崔令非
顛狂承流宣化有餘力高歌浪醉也何妨

晝寢 効魯直

雨餘熱喘殊喊呀坐翻故紙腰足麻鋪陳枕簟騫青
紗倒床不復知橫邪夢魂飛揚遠還家故人見我一
笑譁須臾睡覺衙鼓搗牆頭暝雀聲槎槎

城上怨

兩似懸河風似箭風號雨馳寒刮面何處巡城老健
兒城上謳吟自哀怨不知底事偏苦傷聲高聲低哀
思長戍邊役重畏酷法去國年多思故鄉城上歌時
夜方半正是孤齋醉寃斷和風和雨兩三聲推枕投
衾坐長歎傳聞點虜動熙河戰士連年不解戈今夜
風號雨馳處城上哀怨知幾何

別句永叔

巴江艷艷巴山空十里五里蕉花紅少年銳意立功
業破煙一棹輕如風却思三歲相歡聚說劍論詩輕
李杜平生不作女兒悲今日為君重回顧

李白好擊劍
僕僻好此

春日雜言 二首

官居雙海棠何年植庭中風流二月間照耀一室
紅渾家惜此花具飲呼乃翁翁雖怯杯觴意難逆
兒童臍醺十分深白眼一引空醉時忘華顛浩歌
滿東風

庭前楊柳枝春來蔚然綠老翁鬢邊青已去不可復
舉杯屬春風此理竟如何轉首飛楊花春風自蹉跎

覽鏡

昔我先君子德與形氣俱喪衣佩長劔軒昂真丈夫
我生困多難迺類山澤癯頭目頗麇鼠愧忝虎豹駒
太倉五斗米足養蕞爾軀誰能向天子號飢訴侏儒
客至

山頭竹萬箇風來玉相戛下有屋數間蕭然如佛刹
門無車馬喧幽徑芳草茁隔窻識君聲遽起投筆札
黃鷄未啄黍環堵無可殺園蔬煮淡泊山泉啜甘滑
何以樂嘉賓春禽日嘲啞

寄題張志行醉峯亭

先生飽醞藉表裏皆純粹獨推糟與粕施之為政事
百里飲其德陶陶有歡意餘醺落嘉陵一江醇酒味
沉酣到山骨頽然偃蒼翠亭中時把酒坐對青山醉
醉鄉在何許祇此中間是先生况多文為續醉鄉記

聞東坡貶惠州

元氣脫形數運動天地內東坡未離人豈比元氣大

天地不能容伸舒輒有礙低頭不能仰閉口焉敢效
東坡坦率老局促應難耐何當與道俱逍遙天地外

寄郭潛夫

我昔遊瀘江泛舟奔楚宮黔江自南來胥會涪之東
黔江清且碧瀘江濁而紅紅碧不相入分流如卧虹
群瀕激湍濤洶湧成戰攻湏臾盡變濁混混顏色同
清固不勝濁此理天下通君視開成閭牛李爭長雄
要之贊皇子不勝太牢公物理自古然徘徊歎無窮

病鶴行

鶴兮鶴兮何處來秋江靜兮蘆花開波浪浸月白皚
皚千聲萬聲鳴哀哀不飛不翔不飲啄骨瘠稜稜瘦

唐先生文集卷二十一

十

十

如削冰姿玉質僅生存雪羽霜毛半零落鶴兮鶴兮
何鬱鬱我知尔是冲天物芝田就養孤高情瑤池洗
出神仙骨傳聞仙島冥冥中水晶甃作蓬萊宮祥煙
瑞霧常濛濛好將六翮搏仙風

唐先生文集卷第十一

唐先生文集卷第十二

古體詩

寄郭虞卿

讀書老益苦瀟洒比元澹直行不由徑慎獨肯欺闇
如何已鴻冥猶復見蜉蟻寡和郢中曲忍辱漁陽慘
斗筭彼常態義命吾何憾屈伸固有時佳境當徐嚼

題溫泉觀

溫泉宮裏行人宿溫泉池上行人浴人自多情感盛
衰泉固無心任榮辱細路蟠蟠入踈竹萬年秦山一作
萬里皆在目吾皇高拱九重深一作不苦一抹松蘿為

誰錄

卷之十二

一

洪

題洪川驛

倦遊征人鬢欲絲膏車秣馬東南馳出門四顧迷路
岐閉戶却坐愁支頤魚生釜竈鼠巢枝夏畦千里成
陂池吾皇致治方無為淫雨破塊天何知勸君飲酒
君勿疑行使止尼良由時未逃形數皆有涯此獨未
信無窮期

食笋行

半夜春山試雷雨鷲起蟄龍初出土野人不惜蒼苔
古掘得嘉食自燒煮滿盤明玉遠飄風一箸鱸魚味
差苦竹齋食罷竹陰午竹裏行吟傲簪組君誇食肉
君固卑我誇食笋我亦癡阿蠻豐贖飛燕瘦意態雖

異要皆竒君不見天隨先生貧食杞又不見關中客
卿肥刺齒豐儉不齊皆有理彼此相忘聊爾耳

題史廷直郊居

黃金轉手盡郊居掩清晝山容涼肺腑竹意淨懷袖
入門編簡香無復更銅臭君看道南阮豈識元德秀

櫻花

斫破夜叉頭取出仙人掌鮫人滿腹珠鮑魚新出網

送王觀復交代

文正活國手頗恨見不及宦遊識其孫想像高冠岌
豈但爲交承自是賢友執尤喜談性命微到鬼神泣
吾曹飲滄海百川資一吸失脚沙土間卷舌舐涎汁

片云云云云云

二

云云

焉依旣云久臨別百憂集去去自護持雨荷終不濕

戲贈王推官誠中

乃祖賦混成津涯極深遠家學到諸郎文字復清婉
今作劾鼠吏於理誠未穩怒草三千牘馳驛奏龍衮
上問今安在幕職補闕苑召賜數刻對歎息相見晚
縱未置青鎖亦應校黃本九萬里扶搖忽若馳峻坂

送趙元思司法

誰不從王事夙夜獨匪懈休沐猶坐曹伏日不歸解
平生熟大法餘事工小楷自稱霹靂手作縣豈癩疥
鮑宣雖強項臨事中實駭從君學吏禮稍稍識起拜
今當告別去何以贈行邁二十罰自親此理須少戒

送扈大夫端叟

平生未識韓不願封萬戶方幸得依劉未幾公已去
三年此留滯一味惟忠恕江水倒隨人劍嶺橫遮路
那知黃門手就寫碧鮮賦空聞隴上兒擊塊歌五袴
到任後寄家兄

君子所就三爲食最爲下起家仰寸祿此實下焉者
南山無敞廬千里就官舍但使食有魚敢言曹乏馬
同寮皆故人每事相假借况復官長賢醉歸應不罵
送鄉人下第歸鄉

閉門誦書史已讀萬卷破養氣塞天地不受一毫挫
名聲落空廓蹤跡長坎坎坷塵埃相邂逅齒髮嗟老大
文章心未死功業手猶唾世事若循環天理猶轉磨
朝得暮或失俯弔仰輒賀行見風雲會驚起南陽卧

送趙安道下第歸鄉

大官危小官卑君不得官君勿悲君不見前日宰相
今海涯胡椒八百斛流落知爲誰又不見州縣官折
腰事細兒常憂一語不中治敢對西山笏拄頤大官
危小官卑君不得官君勿悲願君酒量如鷓夷勿作
瓶罌居井眉與君賭取醉爲期明日烏帽風披披

代先狀寄孫熙叔

疇昔告行邁別酒月中把蹭蹬我已歸徘徊君尚且
相逢勿驚怪已覺都幻假但當呼阿素預遣置若下

略聽誦靈光未敢賦換馬一醉洗塵埃萬事真土苴
郡人獻筍守以分餉郡寮而吏獨見遺守知
之命追賜焉蓋不出既久而人忘之也因成
一篇

坐穩膝生踝凝塵罩藍版出少顏面生未熟城市眼
爭席人相忘饋肉禮非簡本自無光彩不必更埋鏹
自知吾免矣置酒具瓶盞起舞屬細君相對一笑莞
友人還鄉有感

饑鳥啞啞枝上啼秋風蕭蕭吹客衣儒冠誤身不得
歸女癡妻寒病乳老歸來聚首貧亦好我固知之歸
不早束書十載遊長安一官遠謝鑿下賢託生長鏡

月先三集卷之二

四

江表

直可憐君今別我還故里想見親朋問所以爲言顛
顛京塵裏

哀賢

仁廟乃文考裕陵真武王先帝幾於成主上賢於康
時亦有二子採薇登首陽其一猶行歌其一今去亡
功在百世外懦夫心膽張齊侯但多馬名滅身未殫

讀邸報

當今求多聞取士到蓬華時時得新語誰謂山縣僻
昨日拜御史今日除諫官立朝無負漢恩厚論事不
妨晁氏安臺省諸公登衮衮閉門熟睡黃紬穩

訊囚

參軍坐聽事據案嚼齒牙引囚到庭下囚口爭喧譁
參軍氣益振聲厲語更切自古官中財一一民膏血
爲吏掌管鑰反竊以自私人不汝誰何如摘領下髭
事差惡自彰證佐日月明推窮見毛脉那可口舌爭
有囚奮然出請與參軍辨參軍心如眼有睫不自見
參軍在場屋薄薄有聲稱只今作參軍幾時得騫騰
無功食國祿去竊能幾何上官乃容隱曾不加譴訶
囚今信有罪參軍宜揣分等是爲貧計何苦獨相困
參軍噤無語反顧吏卒羞包裹琴與書明日吾歸休

程使君生辰歌

使君來分銅虎符哺養百姓如哺鷄設弧在旦人奔
走舉首爭爲使君壽但願使君如乃翁福德種種皆
圓融官至太中年九十諸郎鳴玉左右立

唐先生文集卷第十二

唐先生文集卷第十三

古體詩

寄杜蓬州

閩中勝事不妨奇，舊來僻左人誰知。祗緣乃祖腸斷句，名與江水東南馳。閩人德之不敢忘，遺祠今在南山上。壁間畫得太瘦生，想是當年苦吟樣。寄將摸本博新詩，爲我落筆揮珠璣。君家自是箇中脚，會道春從沙際歸。

中秋遇雨感懷呈世澤彥直

初遊東都年二十，清懽趁得中秋及。高陽會中酒徒集，惠和坊裏繡鞍入。蟹螯嘗新左手執，鷄頭未老搓玉粒。盃行到手不待揖，明月清風供一吸。纏頭不惜傾箱給，倚賴決科如俯拾。誰知得官反拘繫，此景此歡那復緝。今歲中秋雨如泣，窮山牢落秋光濕。孤燈熒熒照書笈，屈指流年如箭急。

通判蘇君俞見和復次韻荅之

公才過人其倍十，詞藝即今誰跂及。萬卷收藏富編集，詩人閩域稱優入。西州書生學穿靴，竭來東游爲絲粒。十分折臂敢長揖，欲吐壯懷還自吸。朋從調笑鬪捷給，狂言偶發難收拾。語意俳諧韻牽繫，不敢獻公公密緝。報章大是鮫人泣，一一珠璣落圓濕。自慙思竭如空笈，口吻悲吟知窘急。

喜雨呈趙世澤

去年雨多憂水潦今年雨少憂枯槁都緣縣政失中
和水旱年年勤父老前時雲起雨欲落夜半風來還
一掃明朝引首望霄漢屋上晨暎仍杲杲賦輸百萬
未破白簿脚何緣得勾倒上書自効欲歸去老婦挽
衣傍奪稟技窮往訴北山神是夕霈然償所禱稻畦
罷亞勢已活竹裏蕭疎聲更好故應神意閔孤拙苟
免歲中書下考便安杵曰伺秋成雲子滿田行可擣
蓬州杜使君洪道屢稱我於諸公聞之媿甚

為詩謝之

去天一尺古蓬州年來除守得勝流渠家本是城南

杜詩律賢我三千籌

禮記投壺其賢於其若干

如此才高却解事入

眼人才皆可意他邑猶分刺史天片言每為將軍地
故應憐我退無田力相推挽令向前傍人聞說皆撫
掌竹竿那使鮎魚緣

嘲陸羽

陸子作茶經竟為茶所困其中無所主復著毀茶論
簡賢傲長者彼自愚不遜茶好固自若於我有何恨
便當脫野服洗琰為一獻飲罷挈茶去譬彼澆畦畹
君看襴正平意氣真能健達與不達人何啻相千萬

代內

爺爺嫁我時本以君能文謂當得所託致身到青雲

觀今天下事勝負方紛紜英俊肩相摩料理不到君
何妨採藥去相與登鹿門著書示後世千載猶清芬

荅

世豈無高人刻意在枯槁音爲恩愛累有志莫能保
君能喚我歸衰鬢及未葆向非有此翁那得有此
媪舊本使得著書吾豈能庶幾獲幽討何必登鹿
門是山皆可老

戊子大水二首

踏歌喧喧雜鐃鼓潭邊呼龍令作雨龍嗔揮水十丈
餘千村萬落幾爲魚寄謝龍神且安處熟睡深潭不
驚汝

夜半傳呼河入室攬衣下床深沒膝舊來水不到譙
門老巫歸咎西門君西門君去老巫舞明年却娶河
伯婦

除鳳州教授非所欲也作詩自寬

人生纔食頃何處分好弱刑獄即道場筦庫有真樂
故紙終日翻毛錐幾年閣百函無力致諸公誰說着
今承學校之頗訝名字錯宿桑豈無戀得治不敢躍
骨肉遠難俱囊裝貧易縛師儒要好手老大良非脚
屐盡識羹空抽窮知繭薄後生端所畏人材若爲作
豈唯嘲孝先便恐困有若行路固知難得地幸不惡
柳拖千丈絲山集五色雀絳紗諒無有首蒼聊可嚼

况聞豆積嶺中有不死藥

登越王樓已下綿州舊作

左縣城北長安道馬足翻翻人自老越王高樓藏道
邊道上行入迷不到樓前西一作日墮江紅一見如
逢鄰舍翁向來何處識面目應在少陵詩句中

芙蓉溪歌

人間八月秋霜嚴芙蓉溪上春酣酣二南變後魯叟
筆七國戰處鄒軻談人間二月春光好溪上芙蓉迹
如掃周家盛處伯夷枯漢室隆時賈生老小兒造化
誰能窮幾回枯拚還芳叢只應人老不復少有酒且
發衰顏紅

富樂山

富樂之名誰所留建安年中劉豫州擁兵入蜀萬貔
貅孱璋送國來迎頭軍中釀酒椎千牛炙如巴山酒
如涪酒酣握手登高丘極目紫芋蹲春疇富樂之名
此其由君聞此說還信不當時兵起四十秋拚屋不
足供誅求生靈嗷嗷鼎中油山中胡爲乃爾優想今
富樂萬倍劉端能容我逃窮愁山僧笑言客罷休

將家遊治平院

蓋老杜所謂東津者也

年來官職如水樣只有登臨作酬賞好山一一如佳
客令人欲作傾家釀昨日西樓弔王孫今日東津悲
逐臣江邊勝事略尋徧不見海樓高入雲

遊天池院

上方細路蟠如縮下有晴川平似板近水遠山皆可
人躍踴來供搜句眼小池中有江湖春孤洲便可呼
白蘋團團倚檻看清澈不敢洗耳山僧嗔

遊雪峯院書所見院在開元寺之西越王樓
之東蓋小院也

東家旣崢嶸西鄰亦稜層那知齊魯間有此叢爾滕
僻路少人到掣鈴小童鷹松扉迫窄入石磴歎危登
迎門老厖吠畫壁蒼龍騰庭除靜如眼几席不受蠅
青焚日日香明續年年燈土盆養幽花古木纏枯藤
雖小亦自足無虧豈須增憶昨苦盛夏數來避繁蒸

每借安禪榻

曲此晝眠肱日月曾幾何霜雪遂嚴凝
慈竹猶踈踈惡風遂朋朋作詩書屋壁掃滅聽寺僧

十月十八日與舍弟登越王樓便道趨開元
寺上天池得句滿紙顛倒雜亂幾不可讀明

日詮次成二十二韻

休沐罷趨局幽居愁杜門重登帝子樓共弔詩人冤
凭欄參并天隱几西南坤冬深一水瘦歲晚千山髡
豐稔徧川陸太平到鷄豚江城水頽雉市瓦塵迷鴛
坐對仙雲宮祗隔斜陽村樓臺白水外松柏蒼雲屯
天垂望羗山雪汁融朝暎誰爲四方些招此千歲鬼
便道訪古寺策杖尋靈源上到山椒窮轉覺天池尊

行疲犬馬力下視烏鳶翻不應水性高疑有神物噴
肯隨秋漲落况逐夏潦渾潛通八角井散入千家盆
漁村喚欲鷹釣石諒猶溫似聞叩舡歌想見持竿蹲
吾曹本山林朝衣褰狙猿只應適野車便作忘憂萱
詩兼巧拙對酒雜醇醨吞閣吏况解事不妨盡餘樽

六一堂 并序

緜州司戶廨舍舊為推官廳歐陽文忠公生於此近
歲陵井譚望勉翁為叅軍葺一室於廳事之東徧號
曰六一堂予聞而嘉之為賦此篇

我思六一翁羽化四十年雖不及摳衣每願為執鞭
手彈醉翁操目覩廬陵編床頭五代史屏間七交篇

詩常諷思穎曲每歌歸田齋摹畫舫樣酒法冰堂傳
此志自弱冠到今已華顛嗟子又晚輩讀書慕先賢
即彼生處所館之與周旋時對文章姿稍息簿領肩
賢者果不死瞻之猶在前似揮誅姦筆猶努擊佛拳
誰當嗣前規時為易蠹椽勿毀魯恭宅中有夫子天

蘇時中惠茶

三年泮宮苦幽獨中有宜人惟睡足蟲魚注罷直廬
靜午枕鳴雷撼窻屋故人蘇子半幅書餉我閩溪一
包玉親題更屈調絃手遠寄來澆飯蔬腹故應疑我
夢得官誰信吾衰已無復空令半夜忍飢吟搜到池
塘春草綠

天馬歌贈朱庭玉

貳師城中天馬駒眼光掣電汗流朱將軍出塞萬里
餘得此龍種來執徐朝踏幽燕暮荆吳歷塊一蹙傍
人呼向來價重千金壺一朝不直半束芻千馬萬馬
肥如猪

受代有日呈譚勉翁謝與權

老來忽忽流年緊三見涪江秋葉墮祗緣二子日相
從便覺一瓢窮可忍東津曉作招隱賦西樓暮得思
歸引文字能令酒盞寬江山未放詩才窘分題踴躍
誰避席得句歡呼同破準泉名三逸本戲語野史千
年傳不泯醉歸半路飛蝙蝠餘興中霄伴蚯蚓那知
鬚鬢禿於筆但見兒童長如笋留滯甘爲西域胡衰
遲更結東遊勒故山咫尺未成歸坐使蒼顏厚如胛

與舍弟飲二首

篇篇皆有酒世疑淵明詩佳處正在此俗子那得
知寄跡杯酒中序者爲之辭詩酒吾家事何用寄
跡爲疑者旣已陋序者良亦卑酒殊醉味同勿問
醇與醜

濕酒澆枯腸戢戢生小詩詩中何等語酒後那復
知黃菊遂行邁徑去不復辭拒霜猶屈強其勢何
能爲但問酒有無勿計官高卑江邊捕魚郎教我
當啜醜

受代還眉

父客念吾土每歎江山非及茲受代去亦復無家歸
仕官幾半世奔走遍九圍竟無置錫土安此容膝靡
還當僦屋居况有囊金揮颺鄉亦何有去國空依依

赴闕

十年殫首著夢寐長闌干繼粟自不飽朝齏豈辭酸
雖無汗馬勞幾作蠹魚乾自知把沙手未辦扶搖搏
此行敢僥倖政爾求便安恐或得所欲聖主天地寬
劍州道中見桃李盛開而梅花猶有存者

桃花能紅李能白春深無處無顏色不應尚有數枝
梅可是東君苦留客向來開處當嚴冬桃李未交

厚元全集卷之三

游中即今已是丈人行勿與年少爭春風

武興謠

去年山中無黍稷只有藪根并橡實藪根作麵如食
蜜橡實炊飯如剥栗東家有錢食橡實西家無錢惟
食藪今年藪盡橡實貴山中人作寒蟬枯

會飲尉廳効八仙體

尉公不忝東州英坐上拍滿罇中盈令尹學道眼目
明作佛肯後靈運成戶掾句法令人驚登壇抗臂從
我盟法曹靜如不能鳴宵中自有百萬兵會稽少年
富才情墨竹中含楚辭聲泮宮老人駕虛名賦詩飲
酒畏後生

古風贈謝與權行

錦囊球球竒經笥便便腹幾擬問天公如何飯不足鳴鴉變好音璞石琢良玉爲報採詩人文翁能化蜀

我有無絃琴無絃亦無徽忘言乃能解得意心自知山高流水深尚笑鍾子期爲君奏此曲改調作別離

生逢堯舜君四門方穆穆賢俊日登庸不聞澗阿獨願君擴賢業邦方有道穀毋縮袖間手軒車遠行復

程義父挽詩

門戶金張貴規摹鄒魯儒平生冰玉姿不受紉綺紆肯顧博餅印甘爲小兒呼舊來便劇邑下車成袴襦暮年賦從軍隻箸安邊隅不識墓中人永懷屋上烏

唐先生文集卷第十三

唐先生集卷第十四

近體詩

譚勉翁詩章若夫所畏而以能問於不能此殊不可曉也媿而作詩

高才乃爾信虛名句法時來就考評投社得君真惡客專門知我有先生文章已逼三都賦輩行猶推四海兄細看劉侯詩自好不應便伏若彌明

既以前韻贈勉翁復懷庭玉因次韻

千金駿骨買虛名驥老通衢價未評逐去定知窮不死向來元以句為生東風又見轉一作鷺朋友北信難憑鴈弟兄欲寄此懷惟有月天涯分與故人明

唐先生集卷第十四

一

薛

峽路十韻

上馬復下馬羸軀不暫停鈴聲今古道柳色短長亭亂石波翻雪洪崖岫破青羊歸必絕壁鹿飲入寒汀兩岸渾遮月中天略見星雲來通玉壘江去皆滄溟春少花難拆霜多葉易零愛山猶着物畏棧未忘形事業知安在艱危已備經官遊方此始何日遂鴻冥

清明日示弟姪

歲華忽忽又清明憶與諸生試集英金鎖掣雷開右掖紵纒披雪照升平立班雉尾身疑夢茂對龍顏目乍驚百拜起居分左右十年肯臆展縱橫愧無長策裨千慮敢昧初心苟一名三道豈能窺董傳乙科今

復愧匡衡始吾進取恬無意看汝光華便是榮佗日
當求田二頃杖藜自足過浮生

赴益昌六言二章

豈有登臺袞袞謾令去國遲遲南越纓方欲請北山
文莫相移

樂職如今酒美判司敢歎官卑會待薛疏供帳歸從
朱老栽橙

上益昌守李大夫

標致自清流知名二十秋諸儒堂上席群客帳前籌
南渡衣拖繡西來幕建油食葱逢屈突封戶識荊州
襦袴三巴國韃橐九郡侯故事寧武軍節制諸郡道興期變魯曾文

盛擬從周

主管學事

訟矢雖關聽賓壺不廢投

本府訟牒至元公處之有餘地

未妨登袞袞暫屈布優優望府多奇士華顛媿督郵
崎嶇緣底事憔悴此重遊舉目江山是翻身歲月適
客愁移帶眼鄉思詠刀頭技養論文在心闡觸事休
那堪趨冉冉祇是判悠悠揣分宜長引憂貧復少留
長裾何處曳門館儻容鄒

上漕使

持節三千里提封一十州天文占使入地上與錢流
吏有言前信農無賦外求事投餘刃畢政舉大綱休
惠澤坤維潤威風井絡秋利源乾復溢民瘼痼還瘳
德以柔剛濟材兼巨細收道興期變魯文盛擬從周

即給中臺筆行拋外計籌孤生真自幸微祿每容偷
未可長閑去須爲寸進謀祇應青白眼能爲辨薰蕕

石漕生日

夢斷維熊夜祥呈饋鯉初固應賢有後誰謂慶無餘
爲國家相似憂民子不如符分四任虎金佩十年魚
未補三公袞聊分八使車權衡公選格陵阜富軍儲
闕閱羶猶在朝廷席正虛稱觴勤祝頌二十考中書

程提倉生日

奎畢夜騰輝英靈出帝畿陶門八翼俊卻桂一枝巍
使芥今持鉞經編舊絕韋政將儒雅飾學造道心微
士論宜金馬君恩且綉衣德純渾可飲才俊不容睨

原上集卷之十四

三

薛祐

盛世方連茹孤生耻食薇初從漆彫仕全拙漢陰機
薺舌猶餘苦蓴心未得歸大椿祈不老烏鵲正求依

家提倉生日

銅梁蟠地角此日誕英奇世路方歌側心田自坦夷
著書楊子宅講學仲舒帷庠序聲名久朝廷議論推
受矐才賜對攬轡便逢時誰道儒宮冷如今使節持
幸全陳孺社喜遇紫芝眉更祝靈椿壽鷲鳥託穩枝

錢憲生日

何處產英奇河南定鼎基珠傾鮫室寶蘭長謝庭枝
事業堪臺省功名暫海沂案成張說口德滿紫芝眉
和氣真堪掬清風凜欲吹每因憐傳癖未甚責書癡

盛德雖忘報私心實自知遐齡何以祝華表鶴歸時

張嘉父生日

靈光不自藏今日誕忠良揮塵雲騰湧我冠鶴瘦長
疆明心似月勤幹鬢成霜赤縣鳴琴宓清朝攬轡滂
權衡公調選陵阜富餼糧除惡雖云切憂民只恐傷
行看星使動已覺省蘭香壽考何須祝傳家辟穀方

送宋衮赴任浙憲

綵衣入蜀記當年金紫重來抱使權擁鉞止姦民奠
枕揚鞭畫計地流錢汝南評論常相借圯上文書獨
見傳政目告成纔五月歲頭未改恰三遷秦雲慘雪
趨朝路吳雨肥梅按部天名位愈隆人愈遠從今帝
席爲誰前

送趙世澤供奉

君豈蹶張手是間聊自藏兒童歌楚些婢子誦靈光
契分詩交密形骸酒遺忘方依益者友遽理舍人裝
鷄黍佗年約君嘗約予
卜居常潤山河白日長陽關那忍聽衰老
易悲傷

遊仙雲宮

出郭三竿日橫江一葦航雀飛田有麥蚕罷野無桑
下馬危梯滑開門古殿香雨餘丹井溢苔入醮壇荒
畫若星辰動碑殘歲月亡鍾聲落城市符祝走村鄉
野鳥啼巴蜀山崖刻漢唐臨歸更回首惜此一襟涼

直舍書懷二首

寸枉非吾志休論尺與尋黃披終日卷青對十年
衿風眩藥囊減雨昏茶椀深楊雄名官思都向草
玄沉音沈

箇處本來冷此時仍更清擁爐成久坐曳杖却徐
行暝色侵書帙秋陰入鼓聲悠然索馬去祇此是
功程

書鄭撫幹詩卷後

本合金閨去翻來玉壘遊邊塵凝不動詩債索相酬
自得清新更非閑鍛鍊周雲臺家格體文館祖風流
冀北雖蒙顧遼東祇自羞好傳江上女歌向竹枝秋

厚卷之三卷一四

王

陸菴

哀詞二章

雲霄才業逝川東學易年齡一夢中春殿昔抽蟾桂
綠夜臺今隕幕蓮紅殘章斷葉塵埃滿別院踈簾笑
語空千古龜山原口墓暝煙蕭索白楊風

文章泮水動英游玉殿騰名十四秋蓮幕未平臺省
志薤歌潛引古原愁青雲氣義千金薄綠綬恩綸一
命休科第不窮餘訓在鳳毛森秀紹箕裘

籌筆鋪

脅寡欺孤罪未訶先生此意竟蹉跎謾令鄴下癡兒
女駭汗鷲惶欲渡河

獲蠻賊代主簿賀張安撫

詔書頻促馬頭東更爲邊民縛校童三箭不煩仁貴
手七擒自得武侯功梟鷄已去古巢冷狼子不歸秋
穴空何用聲名達朝聽恐妨辟穀伴喬松

書齋即事

書生不事事書齋春晝長竹色語笑綠松風意思涼
簞瓢樂仁義圖史披興亡此間有佳趣此外皆茫茫

題所居

焊睡失青春昏昏尚欠伸素知行路惡敢厭在家貧
搜句工雖淡看書味頗真檄來端不喜毛義已無親

夜坐感懷

聲斷鍾樓月文書對坐時破窗燈焰走凍硯筆鋒遲

厚先生集卷一四

六

庄亦

名利髮將鶴風霜手欲龜何當一蓑兩披曉剪尊絲

述懷

名字雖云繫列曹儒風門戶只蕭騷頭顱自揣宜藏
拙指目何妨笑養高本以食貧來仰祿豈於王事更
辭勞老來精力堪驚嘆一紙文書輒數遭

秋夕書懷

疊疊歲華侵垂垂老境臨時光自風雨寒色到衣衾
萬竅號秋杪孤燈照夜深蛩聲亦清苦唧唧伴人吟

過湖縣

狼虎猶知父子仁人生安有不親親武皇況是聰明
王却恨初無一諫目

過田橫墓

成則爲王敗則亡英雄成敗本尋常
滄溟無際何妨死却死東郊未耿光
九江梁楚竟誅夷自古才高必見疑
脫使酈生猶未死將軍來此亦何爲

過潼關

鐵衣十萬擁胡鷄手釋襟喉計亦踈
關外不聞天子詔將軍未甚讀兵書

題瀘川縣樓六字

百斤黃魚鱠玉萬戶赤酒燒霞榆甘渡
頭客艇荔枝林下人家

蘇君俞通判愚齋二首

蘇君俞通判愚齋二首

人間爭以智相高底事紛紛祇自勞
頓覺朱愚真有味莫將佳趣語兒曹

三年消遣琴書在一室清虛杖屨涼
却怪齋名渾未盡邇來愚智已兼忘

題春歸亭

沙際春光又是歸亭前景物故應奇
綠楊雅與清江稱殘雪偏於碧嶂宜
流水無憑何處去東風有準不吾欺
芳菲攔檻無窮興消得新愁入鬢絲

和程大夫荔枝

家在岷峨飽荔枝十年遊宦但神馳
側生流詠今千

載

左思蜀都賦
去側生荔枝

入貢稱珍彼一時定自不將凡果比

曹子建云

龍眼凡果

如何偏與瘴煙宜白頭莫作江南客辜負山

中故友期

荔枝已成吾髮白猶
作江南未歸客坡云

雪意

二首

睡眠拭朦朧開門雪正濃客來迷舊徑虎過識新
蹤浦遠渾無鶴林疎只有松惜琴如不解酒興若
為供

榆關書不至雪又滿平蕪指冷頻呵玉肯寒屢掩
酥綠嘗冬至酒紅擁夜深爐塞上風沙惡征衣到
也無

閨怨

芳草遶池綠天涯人未歸春來更銷瘦渾欲不勝衣

俞和叔座上賦白鹿

洞中於世本無求取白鹿洞一落人間幾見秋和月看時
迷濯濯隔雲聽麴認吻吻未容鶴客矜風韻應許猿
翁作品流莫把奇毛驚俗眼恐妨歸去舊山幽

寓精道齋有感懷家山二首

論兵作賦兩忽忽人事光陰轉首空五一作半夜夢飛
山色裏一年秋在雨聲中揚州騎鶴非無意上蔡牽
黃信此窮幸有林泉未歸去欲將清興問征鴻

悠悠功業老堪憐舊事憑誰可共論直欲酒中賒快
樂尚能花裏覓寒溫詩書誤我成何事歲月侵人不

見痕汾水年年秋雁到庾郎何處不銷魂

晚春寄友人二首

眼底春愁惱殺儂揚州往事旋成空風涼只合稱狂
客衰颯何堪作病翁水國春深梅子兩江天日暮鯉
魚風何時執手同樽酒收拾清歡笑語中

滿眼蕪菁斷送春多情饒病兩鬢身只知老去人心
改不覺愁來酒盞頻霜鶻空拳知有命溟魚碣水恐
傷神丈夫出處端無據尤欲辭家再入秦

春日雜興七首

義陽潇洒燕臺詩誰解知音似柳枝寂寂閑亭春色
遇露花無語皆人悲

愛梅長恐著花遲日禱春風莫後期及得見梅還冷
淡東風全在小桺枝

茸茸小雨弄春晴已有狂花未見鶯便使一年惆悵
在曉窻寒別輕盈夢

春衣初作舞雩歸手展帟編書寢稀解使芳陰快陰
意飛紅零落繞窻扉

短帽輕衫信馬行却原春色太牽情免葵燕變渾聞
事氣有蕪菁到處生

月團新碾破春醜賴有歸鴻寄好音人在天涯莫回
首恐偷華髮上瑤簪

故人不見空凝睇過雁全疎只斷魂猶有野梅臨水

在一枝無語伴黃昏

張祖同挽詞

西南失望即天理信茫々豪逸陳驚座風流馬季長
才宜分竹使思不自椒房清白今方著群兒勿謗傷

任太君挽詞

賢婦古亦少紛々何況今栢舟全義志絲眼慰幽心
舊邑虛湯沐新阡附墓碣子孫門戶壯誰敢函諸任

送太學李生歸鄉

却手芟來東序經年亦倦遊却辭同舍去聊慰倚門憂
顏子進未上何蕃誰為留到家席不暖隨計又皇州

送蘇教授赴闕

三年泮水振洙風俯接諸生屢改容嶺雲務日時難隱
豹巖雲有便得從龍又欽才調無雙手今喜聲名達
九重拂袖漢陽休更問丈夫事業出心胸

別閩中許秀才

臨歧長嘆息此歎意深微浮世年々別初心事々違捫
參蜀道遠犯斗海槎歸故國有餘樂黃雞秋正肥

送朱元素歸養

事國日猶長歸寧計亦良泉烹純孝味菽啜自然香
失馬君何患臨河我獨傷從今千里夢夜々到江鄉

贈蘆倅丘明善

吳頭楚尾秀山川一分才華占得全和氣暖敷冬有

日清風寒壓瘴無烟分麾共領南門鑰簪筆終歸北
闕天寄語江陽夷落道安排春織待新篇

育并夷人織
布為弓衣小其

文織梅
聖俞詩

可曾為客到江陽塞上蕭條斷旅腸歌動竹枝終日
楚笛吹梅弄數聲羞仰天太息偷啣憤被髮驚呼不
為狂校尉自能清白眼肯教牛尾一般黃

調華陽尉

家世傳儒素平生學古文三年思故國一命荷君恩
折節羞黃版歸休許白雲吟詩無廢事薄俸不禁分

孟東野尉平陽滏于詩曹務盡
庶郡置假尉以代之分其半俸

天寧節口號

九曲昆渠換碧流挺生英主間千秋謳歌萬國纔歸
禹損益三年便繼周南畝暗侵山色盡西陲展到海
邊休不知誰是乘槎客為採蟠桃薦冕旒

書新堂

疊茅重葺一堂新設榻聊安簿領身落枕不知鶯樹
曉汚書長苦燕泥春獄官何預青苗事野意新一作
便白葛巾能向此間時得趣何須分外拜車塵

自笑二絕

案頭故紙如撥山三年祗有馬上閑貴官眼高不解
顏緊推不去何其頑

平生所學盡虛談為吏文書日不諳喚作參軍真漫

浪軍中庶事更須參

除夕感懷

永漏侵春已數籌地爐猶擁木棉裘無心豈畏三屍
訴愛日還驚一歲休故國二千空醉眼新年三十恰
平頭光陰未用相敦迫領取衰翁西髮秋

金牛驛二絕

秦人虛餌方投釣蜀國癡魚已上鈎天與中原通笮
馬人間何處有金牛
由来仁義行終穩到了權謀術易窮終見詐牛
牧劔外已聞真虎走關中

春日郊外

城中未省有春光城外榆槐已半黃山好更宜餘積
雪水生看欲倒垂楊鶯邊日暖如人語州際風來作
藥香疑此江頭有佳句為君尋取却茫茫

嘉陵江上作

多士數車肥誰令汝去家坐禪腰已折持劔手新又
雖未能空寂然猶耻攬拳江流何處去憑仗弔懷沙

自笑

已白窮經首仍丹許國心那能天補綻更欲海填深
兒餒嗔即罷妻寒望蒙砧世間南北路何用爾沾襟
率諸公飲開元寺勉翁有詩

回次其韻

三伏光陰過初秋宇宙新一杯桐馬酒千古竹林人
坐上人 山入永嘉屐蟻浮彭澤巾悲歌送落日為我少
七人 停輪 漢制學官給桐馬酒蓋薄酒也

直舍夜坐

強仕似幼學細書仍短檠月來吟麴白風及醉時清
坐以夜微濕更深秋有聲不知愁底事終夕自悲鳴

上張安撫

一劍縱橫敵萬夫少年功業負雄圖時平不佩將軍
印任重來分刺史符膝上細絃調雅操塞前蠻柵長
平蕪自慙子美詩才少難詠花卿絕世無

春日

今日天涯又見春與春事契合相親君看四十年來
事只有東君是故人

任滿未聞除代

已媿千名佛何堪一卷師十年駒局促萬事燕羌池
館下諸生笑門東雉子飢賓僚眼前換歲月鬢邊馳
子舍行將去吾車亦已脂謂當魚縱壑猶作鳥粘繭
宿有詩書債非關造化兒岷峨吾故國自合去遲遲

次勉翁送客韻

仕官方誇四十強江山那復戀蒼茫征鞍過我橫春
色別酒斟君醕野芳青史功名時執手紅塵岐路一
愁腸神錐可是藏鋒物要使兒曹看脫囊

宿審田鋪 附三陳書巖

唐先生文集卷第十四



